

Aen Vanjvei Lienzvuen Ndwencieng Vahcuengh Cungguk(Guengjsae) 2020 Youq Nanzningz Banh

Ndwen 1 ngoenz 18 banhaemh, aen vanjvei lienzvuen ndwencieng Vahcuengh Cungguk (Guengjsae) youq Nanzningz Si banh. Gaiq vanjvei Vahcuengh neix cawjdaez dwg “Guengjsae gyaendei cingz minzcuz doengzsim saedyienh loq Cungguk”, miz go, foux, roq gyong roq laz daengj gak cungj cezmuuz gig miz daegsaek de. Yungh Fwencuengh danqhaenh seizdaih moq Cungguk, yungh Fouxcuengh langhbaij yienghndei moq Guengjsae; danqhaenh vut gungz gunggeng hengzdoengh, muengh siujganh daengzcog gyaunde. Vanjvei guh 2 lai aen cungdaeuz, cezmuuz neiyungz fungfouq, ndeyawj dangqmaz, gij feih coux ciengmoq noengznwd, cauhoq diemjrongh lai, biujyienj ndeyawj ndaej bouxyawj haenhnyau-nyau.

Vanjvei daengx ciengz yungh Vahcuengh cujciz caeuq yienjok, faen baenz “danqhaenh seizdaih moq, Guengjsae moq gyaunde, Guengjsae moq ndei raeuh, caez saedyienh loqsiengj moq” seiq aen biencieng. Fwen goksasa hawj vunz gyaetz; yiengh foux ndeyawj, hawj vunz maij. Vanjvei Vahcuengh doenggvaq gofoux gyaunde, roq gyong roq laz ndeidingq, daegsaek gyaunde daengj gak cungj minzcuz yenzsu doxyungz caemhcaiq yienj okdaeuj, yienj baenz daiz hei q daegsaek Bouxcuengh mingzbeq, ndeyawj, cienz ndaej gvangq ndeu.

Vanjvei lij laeb miz dangciengz caijfangj caeuq hothoh doxdoeng dem, youq mwh mbouj biujyienj,



▲Aen vanjvei vienhciengz

seiq boux bouxcuiciz Vahcuengh byaij haeuj ndaw gyoengq vunz bae, yungh “Aeu vahmbanj danqhaenh guekcoj” “Gou aeu vahmbanj lwnh guekcoj” caeuq “Gou vih minzcuz doxgiet okrengz” daengj

cawjdaez dangciengz caijfangj bouxyawj, yienznaeuz mbwn nit, hoeng gyoengq bouxyawj yiedcingz dangqmaz, hawj yienhciengz bienq ndaej engq nauhyied.

(Liengz Cingz)



▲Bouxienj danz dingdingi.



▲Bouxienj hwnj daiz ciengqgo.



▲Bouxcuiciz yungh Vahcuengh cujciz cezmuuz.

Yungzsuij: Soengq Laex Coux Ciengmoq

Yaek daengz ndwencieng, Yungzsuij Myauzcuz Swciyen Gijvej Genhvej haiguh aen hozdung “soengq laex coux ciengmoq”, vunzguhong doengvaq soengq doiqcieng, fat saenqsik dinj lenzcwnz

caeuq banh eu fwen lenzcwnz doxdax, bae hagdangz raed ceij daengj hingzsiq, soengq gij hohfuk ndwencieng, cau’ok gij hei qfaenh ngoenzciet rumz seuq hei q cingq.

(Lungz Linzci/龙林智)



▲Canghfwen eu fwen lenzcwnz doxdax.

Sanhgyangh: Minzsuz Lai Yiengh Coux Ciengmoq

Ndwen 1 ngoenz 18, Liujcouh Si Sanhgyangh Duncuz Swciyen Duzdung Cin Gauhdng Cunh banh ciet vwnzva go aendig Duncuz gaiq nduj, vunz lai dangdieg yungh go aendig Duncuz, caij din venz, gwn ngaizhumx daengj minzsuz hozdung lai yiengh, angqcoux ciengmoq cietndei.

Go aendig Duncuz riuzcienz youq dieg Duncuz gapgyaiq Huznanz, Gveicouh, Guengjsae, dwg cungj fuengsik yienjciengq conzdungj mehmbwk yienjciengq, boq aendig Duncuz buenxciengq ndeu.

(Vuz Lenyinh/吴练勋)



▲Gyoengq sau iq Duncuz cingq boq dig.